

90 Gjaldskrá þessi, sem samin er og samþykkt af bæjarstjórn Neskaupstaðar, stað-
22. apríl festist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947,
um aðstoð til vatnsveitna, til þess að öðlast gildi þegar í stað, og birtist til eftir-
breytni öllum þeim, sem hlut eiga að máli.

Jafnframt er úr gildi felld gjaldskrá fyrir vatnsveitu Neskaupstaðar, nr. 67
22. júní 1937.

Félagsmálaráðuneytið, 22. apríl 1952.

F. h. r.

Jónas Guðmundsson.

Hallgrímur Dalberg.

91

22. apríl

REGLUGERÐ

um launakjör á símsstöðvum og póstaðgreiðslum.

1. gr.

Samkvæmt 21. gr. laga nr. 60 12. marz 1945, um laun starfsmanna ríkisins, og
8. gr. laga nr. 8 9. jan. 1935, er hér með sett eftirfarandi reglugerð um launakjör á
símsstöðvum og póstaðgreiðslum.

2. gr.

Starfsmenn við póstaðgreiðslustörf á Akureyri, Ísafirði, Siglufirði, Seyðisfirði
og Vestmannaeyjum njóta sömu launakjara og starfsmenn póststofunnar í Reykja-
vík. Póst- og símamálastjórnin ákveður starfsmannafjölda á ofangreindum stöðv-
um og flokkun þeirra samkvæmt lögum um laun starfsmanna ríkisins.

3. gr.

Árslaun síma- og póstaðgreiðslumanna á eftirtöldum stöðum séu sem hér segir:
Kr. 25 200.00: Síma- og póstaðgreiðslumenn: Akranesi, Keflavík, Neskaupstað
og Selfossi.

4. gr.

Árslaun síma- og póstaðgreiðslumanna á eftirtöldum stöðum séu sem hér segir:
1. Kr. 23 400.00: Síma- og póstaðgreiðslumenn: Blönduósi, Borgarnesi, Eski-
firði, Reyðarfirði og Stykkishólmi. Símsstjórnar: Húsavík, Höfn, Patreksfirði og
Sauðárkróki.

2. Kr. 21 600.00: Síma- og póstaðgreiðslumaður Egilsstöðum. Póstaðgreiðslu-
menn: Hafnarfirði, Húsavík og Sauðárkróki.

5. gr.

Árslaun síma- og póstaðgreiðslumanna á eftirtöldum stöðum séu sem hér segir:
1. Kr. 19 800.00: Síma- og póstaðgreiðslumenn: Dalvík og Ólafsfirði.
2. Kr. 18 000.00: Síma- og póstaðgreiðslumenn: Bildudal, Bolungavík, Brúar-
landi, Búðardal, Djúpuvík, Eyrarbakka, Fáskrúðsfirði, Gerðum, Grindavík, Hjalt-
eyri, Hrísey, Hveragerði, Hvolsvelli, Raufarhöfn, Sandgerði, Skagaströnd, Stokks-
eyri, Suðureyri, Vopnafirði, Þingeyri og Þórshöfn. Símsstjórnar: Flateyri, Hólmavík,
Hvammstanga, Ólafsvík, Sauðárkróki og Vík í Mýrdal. Póstaðgreiðslumaður Patreks-
firði.

Launin samkvæmt 3., 4. og 5. gr. eru miðuð við það, að hlutaðeigandi símsstjórnar
og póstaðgreiðslumenn vinni fyrir stofnunina fullkomið eins manns verk. Geti þeir
það eigi sjálfir af einhverjum ástæðum, ber þeim að greiða af eigin launum því

aðstoðarfólki, sem þeir taka þess vegna. Eigi skal þeim heldur greitt fyrir aðstoð 91
vegna starfs, sem greitt er fyrir sérstaklega, svo sem innheimtustarfa o. fl. Ef 22. apríl
þóknun fyrir störf vegna orlofslaganna fer yfir 1000.00 kr. á ári, greiðist það, sem
umfram er, stofnuninni. Gildir þetta jafnt fyrir alla póstafgreiðslumenn í 3., 4., 5.
og 6. gr.

6. gr.

Síma- og póstafgreiðslumenn á eftirtöldum stöðum hafa árslaun að meðtalinni
aðstoð sem hér segir:

1. Kr. 16 200.00: Síma- og póstafgreiðslumenn: Hofsósi, Kirkjubæjarklaustri,
Kópaskeri, Laugarvatni og Sandi.

2. Kr. 14 400.00: Símtjórinn Krossum í Eyjafirði. Póstafgreiðslumaðurinn
Hvammstanga.

3. Kr. 12 600.00: Síma- og póstafgreiðslumenn: Borgarfirði, Grafarnesi og Súða-
vík. Póstafgreiðslumenn: Flateyri, Hólmavík og Ólafsvík.

4. Kr. 10 800.00: Síma- og póstafgreiðslumenn: Breiðdalsvík, Drangnesi, Eiðum,
Króksfjarðarnesi og Stöðvarfirði. Símtjórar: Breiðumýri og Djúpavogi.

5. Kr. 9 000.00: Síma- og póstafgreiðslumenn: Flatey á Breiðafirði, Fosshóli,
Reykholti, Skógum í Fnjóskadal, Svignaskarði og Grenjaðarstað. Símtjórar: Hábæ
í Vogum, Meiri-Tungu og Skútustöðum. Póstafgreiðslumenn: Einarssstöðum og Vík
í Mýrdal.

6. Kr. 7 200.00: Síma- og póstafgreiðslumenn: Bakkafirði, Grenivík, Höfnum,
Svalbarðseyri, Torfastöðum, Varmahlíð í Skagafirði. Símtjórar: Haganesvík og
Munkaþverá.

7. Kr. 6 300.00: Síma- og póstafgreiðslumenn: Ási í Vatnsdal, Bólstaðarhlíð
og Minniborg. Símtjórinn í Ásgarði í Grímsnesi.

8. Kr. 5 400.00: Síma- og póstafgreiðslumenn: Arnarstapa á Mýrum, Arngerð-
areyri, Ásgarði í Dölum, Fossvöllum, Gaulverjabæ, Síðumúla, Skarði í Lundar-
reykjadal, Skarðshlíð og Staðarfelli. Símtjórar: Bessastöðum, Eyrarkoti, Galtafelli,
Hjarðarfelli, Hnausum, Hvanneyri, Mælifelli, Varmahlíð undir Eyjafjöllum og Þing-
völlum. Póstafgreiðslumenn: Djúpavogi og Haganesvík.

9. Kr. 3 600.00: Síma- og póstafgreiðslumenn: Ásum í Gnúpverjahreppi, Hólum
í Nesjahreppi, Miklabæ og Hallormsstað. Póstafgreiðslumaðurinn í Mjóafirði.

7. gr.

Þeir símtjórar og póstafgreiðslumenn, sem laun taka samkvæmt 3. og 4. gr. í
þessari reglugerð, svo og fastráðnar starfsstúlkur á þeim stöðum, sem taldir eru í
3. gr., hafa sömu réttindi og skyldur sem aðrir starfsmenn pósts og síma.

Forstöðumönnum annarra símtöðva og póstafgreiðslna skal greiða orlofsfé
sérstaklega. Greiðsla fyrir aðstoð vegna forfalla telst innifalin í laununum. Þó er
póst- og símamálastjórninni heimilt að bæta forstöðumönnum á þessum stöðum
ef sérstök veikindi bera að höndum. Póst- og símamálastjórnin setur nánari ákvæði
um rekstur símtöðva og póstafgreiðslna.

8. gr.

Á póstafgreiðslum og símtöðvum, þar sem eru ein eða fleiri starfsstúlkur auk
forstöðumanns, skulu þær ráðnar af póst- og símamálastjórninni að fengnum til-
lögum forstöðumanns, og ákveður póst- og símamálastjórnin fjölda þeirra á hverj-
um stað.

Byrjunarlaun þessara stúlkna skulu vera kr. 10 800.00 á ári og hækka um kr.
900.00 á ári í 5 ár upp í kr. 15 300.00.

91

22. apríl

9. gr.

Húsaleigu, ljós, hita og ræstingu vegna reksturs póstaðgreiðslna og 1. fl. B. og 2. fl. símstöðva greiðir stofnunin, og skal yfirsattanevnd í hverju héraði meta þessar greiðslur árlega fyrir byrjun þess árs, sem þær gilda fyrir. Á þeim stöðvum, þar sem simstjórar og póstaðgreiðslumenn hafa húsnaði til íbúðar í húseignum pósts og síma, skal það á sama hátt metið af yfirsattanevnd og dregið frá launum mánaðarlega. Ljós og hita greiði þeir hlutfallslega við póst og síma.

Mati yfirsattanevndar má skjóta til ríkissattanevndar.

10. gr.

Póknun fyrir rekstur 3. flokks símstöðva sé sem hér segir:

1. Föst ársþóknun, er nemi:

a.	Til stöðva, sem hafa	150—400	útf. afgr.	kr.	360.00
b.	— — — —	401—1000	— —	—	720.00
c.	— — — —	1001—1800	— —	—	1080.00
d.	— — — —	yfir 1800	— —	—	1440.00

miðað við afgreiðslufjölda næstliðins árs.

2. 105 aurar fyrir hvert útfarið viðtalsbil í símtölum og hvert útfarið símskeyti (önnur en þjónustu- og veðurskeyti).

3. Fyrir hvern símnotanda kr. 36.00 á ári miðað við 1. júlí.

11. gr.

Þar sem símstöðvar eru á gisti- og veitingastöðum getur póst- og símamála- stjórnin krafist þess, að þær stofnanir taki þátt í kostnaði við rekstur stöðvanna.

12. gr.

Á launagreiðslur samkvæmt reglugerð þessari greiðast uppbætur eftir sömu reglum og á laun opinberra starfsmanna.

13. gr.

Þriðja hvert ár skal endurskoða reglugerð þessa.

Ef breyting verður á rekstrarskilyrðum og afgreiðslu símstöðvar eða póstaðgreiðslu vegna sameiningar pósts og síma eða færslu milli flokka, á milli þess sem endurskoðun fer fram, skal henni um leið skipað í nýjan launaflokk.

Endurskoðun reglugerðar þessarar skal framkvæmd af þriggja manna nefnd, er ráðherra skipar, og sé einn þeirra tilnefndur af BSRB.

Við aukaendurskoðun samkvæmt 2. mgr. greinar þessarar, skal kveðja til þann fulltrúa endurskoðunarnefndar, sem BSRB hefur tilnefnt.

14. gr.

Reglugerð þessi gildir frá 1. apríl 1952, og fellur þá úr gildi reglugerð um sama efni frá 6. júlí 1949.

Póst- og símamálaráðherrann, 22. apríl 1952.

Björn Ólafsson,

Guðmundur Hlíðdal.